

6-29
1928

34(05)
6-29

საქართველოს
საბჭოთაო
კავშირების
საბჭო

პრეტორიატში ყველა ქვეყნისა, შეერთებით!

საქართველოს სოც.



საბჭ. რესპუბლიკის

მუშათა და გლეხთა მთავრობის

კანონთა და განკარგულებათა

1928 წ.

იუსტიციის სახალხო კომისარიატის გამოსცემა



1928 წ. თებერვლის 17.

№ 1

ნაწილი პირველი

ზ ი ნ ა ა რ ს ი:

ცენტრალური აღმასრულებელი კომიტეტის დადგენილებანი.

1. დადგენილება № 1 ც. ა. კ. და ს. კ. ს.—საქართველოს სოც. საბჭ. რესპუბლიკის მუშათა და გლეხთა ინსპექციის სახალხო კომისარიატის დებულებების მე-12 მუხ. შენიშვნის შეცვლის შესახებ.
 2. დადგენილება № 2 ც. ა. კ. და ს. კ. ს.—საქართველოს მოვალეობის აღსასრულებლად სახალხო მსაჯულთა გაწვევის წესის შესახებ.
 3. დადგენილება № 3 ც. ა. კ. და ს. კ. ს.—თამბაქოს დებულების მე-2 მუხლისათვის დანართის დამატების შესახებ.
 4. დადგენილება № 4 ც. ა. კ. და ს. კ. ს.—საქართველოს ს. ს. რ. იუსტიციის სახალხო კომისარიატის სასამართლოს წყობილებისა და ზედამხედველობის განყოფილებასთან არსებულ სანოტარო ქვეგანყოფილების დებულების დამტკიცების შესახებ.
- დებულება საქართველოს სსრ იუსტიციის სახალხო კომისარიატის სასამართლოს წყობილებისა და ზედამხედველობის განყოფილებასთან არსებულ სანოტარო ქვეგანყოფილების შესახებ.
5. დადგენილება № 5 ც. ა. კ. და ს. კ. ს.—საქართველოს სოც. საბჭ. რესპუბლიკის სისხლის სამართლის კოდექსის 199 მუხლის შეცვლის შესახებ.
 6. დადგენილება № 5 ც. ა. კ. და ს. კ. ს.—სამოქალაქო სამართლის საპროცესო კოდექსის 210 მუხლისათვის „ი“ პუნქტის დამატების შესახებ.

387

Handwritten mark

7. დადგენილება № 7 ც. ა. კ. და ს. კ. —სათემო საბჭოებისა, სათემო აღმასრულებელი კომიტეტებისა და მოქალაქეთა საზოგადო კრებების დებულების 54 მუხლისათვის „ი“ პუნქტის დამატების შესახებ.

სახალხო კომისართა საბჭოს დადგენილებანი.

8. დადგენილება ს. კ. ს. —საქართველოს ს. ს. რ. სახელმწიფო გამომცემლობის „სახელგამის“ დებულების დამტკიცების შესახებ.

დებულება საქართველოს სსრ სახელმწიფო გამომცემლობის „სახელგამი“-ს შესახებ.

9. დადგენილება ს. კ. ს. —ტეტონებისა, პაწია ბაირაღებისა, ბელადების სურათებისა, საქველმოქმედო მარკებისა და ბეჭდვითი ნაწარმოების გავრცელების წესის შესახებ.

10. დადგენილება ს. კ. ს. —სავადასახადო ინსპექტორების მიერ სამაზრო აღმასრულებელი კომიტეტებისათვის სავადასახადო უბნებში საქმის მდგომარეობის თაობაზე ანგარიშების წარდგენის წესების დამტკიცების შესახებ.

11. დადგენილება ს. კ. ს. —დაწესებულებათა მიწერმოწერაში, როგორც ურთიერთ შორის, ისე უმაღლეს დაწესებულებებთან, ზომა-წონის აღნიშვნისათვის მეტრული სისტემის შეფარდების შესახებ.

12. დადგენილება ს. კ. ს. —კომუნალურ განყოფილებათა მიერ სავაჭრო სადგომების საიჯარო ჭირის გადახდის ვადის გადაცილებისათვის დაწესებული საურავის უკიდურესი რაოდენობის შესახებ.

ქანთრალური აღმასრულებელი კომიტეტის დადგენი- ლებანი

1. დადგენილება № 1 ც. ა. კ. და ს. კ. ს.

საქართველოს სოც. საბჭ. რესპუბლიკის მუშათა და გლეხთა ინსპექციის სახალხო კომისარიატის დებულების მე-12 მუხ. შენიშვნის შეცვლის შესახებ.

სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

საქართველოს სსრ მუშათა და გლეხთა ინსპექციის სახალხო კომისარიატის დებულება მე-12 მუხ. შენიშვნის რედაქცია („მოამბე“ 1925 წ. № 12) შეიცვალოს შემდეგნაირად:

შენიშვნა. საქართველოს სსრ მუშათა და გლეხთა ინსპექციის სახალხო კომისარიატის დადგენილება ა) აღნუსხვისა და ანგარიშების გა-

მარტივებისა და შემოკლების შესახებ, ბ) ზედმეტ ორგანოთა და წარმომადგენლობათა ლიკვიდაციის შესახებ, გ) ზედმეტი შტატების შემცირების შესახებ, დ) ზედნადები ხარჯების შემცირების შესახებ, ე) დაწესებულებათა და საწარმოთა ცალკე ნაწილების საორგანიზაციო სტრუქტურის შეცვლის შესახებ და ვ) საღისეობრივ გადასახდელის აღდების შესახებ, აგრეთვე თანამდებობის პირთა გადაყენებისა და დათხოვნის შესახებ აშკარ უთადარიგობისა, ბიუროკრატიზმისა და გაქიანურებისათვის, საბოლოოა და მისი შესრულება სავალდებულოა ყველა სახელმწიფო დაწესებულებისა და საწარმოსთვის; უკეთეს დაწესებულების ან საწარმოს ხელმძღვანელი არ დაეთანხმებთან მუშათა და გლეხთა ინსპექციის სახალხო კომისარიატის წინადადებას სხვა რამ საკითხზე, ისინი ვალდებულ არიან დაუყოვნებლივ აცნობონ აღნიშნულ ინსპექციას თავისი მოსაზრებანი.

უკეთეს საქართველოს სსრ მუშათა და გლეხთა ინსპექციის სახალხო კომისარიატის მიერ განზრახულ ღონისძიებათა განხორციელება მომქმედი კანონებისა და მთავრობის განკარგულების შეცვლას იწვევს საქართველოს სსრ მუშათა და გლეხთა ინსპექციის სახალხო კომისარიატი შეიტანს თავის წინადადებას საქართველოს სსრ სახალხო კომისარიატის საბჭოში ან საქართველოს სსრ ეკონომიურ საბჭოში კუთვნილისამებრ.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარე — **გ. მახარაძე.**

საქართველოს სოც. საბჭ. რესპუბლიკის
სახალხო კომისარიატის საბჭოს თავმჯდომარე — **ლ. ქართველიშვილი.**

სრულიად საქართველოს საბჭოთა ცენტრალური
აღმასრულებელი კომიტეტის მდივანი — **შ. მათიკაშვილი.**

1928 წ. იანვრის 10.

ტფილისი — სასახლე.

გამოქვეყნებულია ვაზ. „კომუნისტ“-ის მე-16 ნომერში 1928 წ. იანვრის 20.

2. დადგენილება № 2 ც. ა. კ. და ს. კ. ს.

მოსამართლის მოვალეობის აღსასრულებლად სახალხო მხაჯულთა განწვევის წესის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10 თარიღისა და 77 №-რის დადგენილების მე-2 მუხლის წესისამებრ სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისარიატის საბჭო ადგენენ:

ვიდრე შეცვლილ და შევსებულ იქნებოდეს საქართველოს სსრ სასამარ-



თლოს წყობილების დებულების სათანადო მუხლები, სახალხო მსაჯულთა განმე-
ვისათვის მოსამართლის მოვალეობის აღსასრულებლად მიღებულ იქნეს შედეგი-
წესი:

1. სახალხო მსაჯულთა სია ცალკე სამაზრო სასამართლოსათვის და ცალკე
სახალხო სასამართლოს თვითველ უზნისათვის შედგენილ იქნება წელიწადში
ერთხელ, იანვრის პირველისათვის იმ ვარაუდით, რომ სამაზრო სასამართლოზე
მოდიოდეს არა ნაკლებ 100 კაცი, ხოლო სახალხო სასამართლოს თვითველ
უბანზე—ორასი კაცი. ორი თვით ადრე აღნიშნულ ვადამდე განსაკუთრებული
კომისია სამაზრო ცენტრში სათანადო მსაჯულთა რიცხვს სამაზრო სასამართ-
ლოსათვის და სახალხო სასამართლოს უბანთა რიცხვის მიხედვით, გაანაწილებს
სახელმწიფო დაწესებულებათა და სამრეწველო საწარმოთა, თემთა და მახრის
ტერიტორიაზე მყოფ ჯარის ერთეულთა შორის.

შენიშვნა. სამაზრო სასამართლოს სახალხო მსაჯულთა სიაში შეიტანე-
ბა ისეთი პირები, რომელნიც შეეფერებიან სასამართლოს წყობილების
დებულებაში აღნიშნულ საერთო პირობებს და, გარდა ამისა, რომელთაც
აქვე სახელმწიფო, პროფესიონალურ ან საზოგადოებრივ ორგანიზაციაში
მუშაობის ერთ წლისაზე არა ნაკლები სტაჟი.

2. განმანაწილებელი კომისიაში შევლენ: თავმჯდომარედ—ადგილობრივი
სამაზრო (საქალკო) აღმასრულებელი კომიტეტის წევრი, ხოლო წევრებად—
სამაზრო მოსამართლე, მახრის პროკურორი და ორი წარმომადგენელი ქ. ტფი-
ლისში—საქართველოს პროფესიონალურ კავშირთა საბჭოსი, ხოლო ადგილებზე
—პროფესიონალურ კავშირთა სამაზრო ბიუროსი. განაწილება დაახლოებით შემ-
დეგ ანგარიშით უნდა მოხდეს: ქ. ტფილისსა, ბათუმსა, ფოთსა და სოხუმში
მსაჯულთა 65%, უნდა იყოს მუშებისაგან, 5%, სოფლელებისაგან, 15%, ჯარის
ერთეულებიდან და 15%, მოსამსახურეთაგან; მაზრაში, რომელიც წარმოადგენს
საფაბრიკო საქარზნო ცენტრს—50%, მუშებისაგან, 25%, სოფლელებისაგან, 15%,
ჯარის ერთეულებიდან და 10 მოსამსახურეთაგან, ხოლო ყველა სხვა მაზრებში
65% სოფლელებისაგან, 15% მუშებისაგან, 10% ჯარის ერთეულებისაგან და
10% მოსამსახურეთაგან. განაწილების ნუსხა გაეგზავნება სამაზრო სასამართლოს
და სათანადო უზნის სახალხო სასამართლოს, საფაბრიკო-საქარზნო კომიტეტს,
ჯარის ერთეულს და თემის აღმასრულებელ კომიტეტს.

3. განაწილების ნუსხის მიღებისთანავე პროფესიონალური კავშირი და
თემის აღმასრულებელი კომიტეტი, თავის მხრით, განაწილებს სახალხო მსა-
ჯულთა რიცხვს, რაც მას შეხედება, სათანადო ცალკე საწარმოთა, დაწესებუ-
ლებათა, თემის აღმასრულებელ კომიტეტთა და სოფლის საბჭოთა შორის, რო-
მელნიც მოახდენენ სახალხო მსაჯულთა არჩევანს შემდეგი წესით:

ა) საწარმოსა და დაწესებულებაში—საფაბრიკო-საქარზნო კომიტეტისა
და ადგილკომის მეშვეობით, რომელნიც აარჩევენ მსაჯულთ მუშა-მოსამსახურე-
თა საერთო კრებაზე.

ბ) სოფლად—სოფლის საბჭოებისა და თემის აღმასრულებელი კომიტეტე-

ბის მეშვეობით, რომელნიც აარჩევენ მსაჯულთ სოფელთა საერთო თემის ცენტრში ან სოფელში.

მსაჯულთა ამრჩევი ორგანო ამორჩეულ კანდიდატთა სიას გაუგზავნის სამაზრო კომისიის და, გარდა ამისა, სამაზრო და სათანადო სახალხო სასამართლოს კუთვნილებისამებრ.

4. სახალხო მსაჯულთა კანდიდატებს ჯარის ერთეულებში, კომისიისაგან (პუნქ. 1) მიღებული განაწილების ნუსხის მიხედვით, აარჩევენ სამხედრო მსახურთა საერთო კრება პოლიტგანყოფილების ან ჯარის ერთეულის კომისრის ხელმძღვანელობით.

5. სახალხო მსაჯულთა კანდიდატების სიებს არჩევნების ხელმძღვანელი ორგანო საყოველთაო ცნობისათვის გამოჰქიდებს ფაბრიკებისა, დაწესებულებებისა, მეშეთა კვლებების, თემის აღმასრულებელი კომიტეტისა (სოფლის საბჭოს), ვლებკომებისა, სამაზრო პროფესიონალური ბიუროს და სხვ. სადგომებში, ამასთანავე ყველა მშრომელს უფლება აქვს სამი დღის განმავლობაში წარუდგინოს საფაბრიკო-საქარბნო ჯომიტეტს, ადგილკოშს, თემის აღმასრულებელ კომიტეტს პოლიტგანყოფილებას ან ჯარის ერთეულის კომისარს, კუთვნილებისამებრ, დასაბუთებული განცხადება სიაში შეტანილ ამა თუ იმ პირის ჩამოცილების შესახებ.

6. მე-5 მუხლში ჩამოთვლილი ორგანოები, ერთ კვირის განმავლობაში დღიდან ჩამოცილების განცხადებისა, ჩამოცილების საკითხს, თავის შენიშვნით, გადასაწყვეტად სამაზრო კომისიის გაუგზავნიან. უკეთუ ჩამოცილების განცხადებას კომისია სამართლიანად სცნობს, ჩამოსაცილებელი პირი სიიდან ამოშლილ იქნება.

შენიშვნა. სამაზრო კომისიის მიერ სახალხო მსაჯულთა სიიდან ამოშლილ პირს უფლება აქვს კომისიის მოქმედება სამი დღის ვადაში სამაზრო (საქალაქო) აღმასრულებელ კომიტეტში განასაჩივროს.

7. სახალხო მსაჯულთა კანდიდატების სიას არჩევნების ხელმძღვანელი ორგანო გაუგზავნის სამაზრო კომისიას დასამტკიცებლად და, გარდა ამისა, სამაზრო სასამართლოს და იმ უზნის სახალხო სასამართლოს, სადაც არჩევნები მოხდა. სახალხო მსაჯულთა სიის მიღებისას სამაზრო და სახალხო სასამართლო სიის დამტკიცებამდე მოიწვევენ სახალხო მსაჯულთ მოსამართლის მოვალეობის აღსასრულებლად იუსტიციის სახალხო კომისარიატის ინსტრუქციის წესისამებრ იმ სახალხო მსაჯულთა გარდა, რომელთა წინააღმდეგ ჩამოცილება იქნა განცხადებული.

8. სამაზრო კომისია ადგილებიდან სახალხო მსაჯულთა სიების მიღებისთანავე ამოშლის ამ სიებიდან იმ პირთ, რომელნიც რაიმე მიზეზით არ შეეფერებიან სახალხო მსაჯულისათვის სავალდებულო პირობებს, და აგრეთვე იმ პირთ, რომელთა წინააღმდეგ განცხადებული ჩამოცილება დასაქმავიფილებლად იქნება ცნობილი. ამის შემდეგ სახალხო სასამართლოების სახალხო მსაჯულთა სიებს, იმის აღნიშვნით, რომ ეს სიები დამტკიცებულია, გაუგზავნის სათანადო სახალხო სასამართლოებს, ხოლო სამაზრო სასამართლოს სახალხო მსაჯულთა სიას



გაუგზავნის დასამტკიცებლად სათანადო სამაზრო (საქალაქო) აღმასრულებელ კომიტეტს. ეს უკანასკნელი სამი დღის ვადაზე გაუგზავნის ამ განსაკუთრებულ სიას სამაზრო სასამართლოს, თანაც აღნიშნავს, რომ სია დამტკიცებულია. სათანადო აღმასრულებელი კომიტეტის გადაწყვეტილება სიიდან ამოშლის შესახებ საბოლოოა და არ განისაზღვრება.

9. დანარჩენში სახელმძღვანელოდ მიღებულ უნდა აქნეს სასამართლოს წყობილების დებულება და სრულიად საქართველოს ცენტრალურ აღმასრულებელ კომიტეტისა და სახალხო კომისართა საბჭოს დადგენილება სამაზრო სასამართლოს მოწყობის შესახებ.

10. დიველოს იუსტიციის სახალხო კომისარს გამოსცეს ამა დადგენილების განსაეითარებლად დაწერილებითი ინსტრუქცია.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარე **ფ. მახარაძე.**

საქართველოს სსრ. საბჭ. რესპუბლიკის
სახალხო კომისართა საბჭოს თავმჯდომარე **ლ. ქართველიშვილი.**

სრულიად საქართველოს საბჭოთა ცენტრალური
აღმასრულებელი კომიტეტის მდივანი **შ. მათიკაშვილი.**

1928 წ. იანვრის 10.
ტფილისი—სასახლე.

3. დ ა დ გ ე ნ ი ლ ე ბ ა № 3 ც. ა. ქ. დ ა ს. ქ. ს.

თამასუქის დებულების მე-2 მუხლისათვის დანართის დამატების შესახებ.

სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ. საბჭ. რესპუბლიკის სახალხო კომისართა საბჭო აღდგენენ:

თამასუქის დებულებას დაემატოს შემდეგი დანართი:

თამასუქის დებულების 2-მუხ. დანართი.

(თამასუქისა, გადაცემის წარწერისა და თამასუქის ტექსტის შესწორების სანიმუშო ფორმები).

ა. მარტივი თამასუქი.

1. მარტივი თამასუქი, რომლის ვადა დგება განსაზღვრულ დღეს.

ქუთაისი, 1927 წ. მაისის 5.
თამასუქი 10.000 მან.

ათას ცხრაას ოცდაშვიდი წლის ივლისის ხუთს ქუთაისის ერთიანი მუშათა კოოპერატივი „კოოპერაცია“ ვალდებულია ამა თამასუქით გადაუხადოს ქ. ტფილისში საქართველოს სსრ სახალხო მეურნეობის უმაღლესი საბჭოს სატყეო მრეწველობის ტრესტს „საქტყის ტრესტს“ ათი ათასი მანეთი.

ქუთაისის ერთიანი მუშათა კოოპერატივი „კოოპერაცია“

გამგეობის თავმჯდომარე ი. პეტრიაშვილი.

გამგეობის წევრი ნ. გვაგავაძე.

შენიშვნა. ხარეზი, რომელიც შეიძლება დარჩეს თამასუქის ტექს-
ტისა და თამასუქის გამცემის ხელმოწერის შორის, უნდა გადაიხაზოს.

2. მარტივი თამასუქი, რომლის ვადა ღგება გაცემის დღიდან ამა და ამ დროის გასვლის შემდეგ.

ქალ. ზესტაფონი, 1927 წ. თებერვლის 10.

თამასუქი 2000 მან.

ამა რიცხვიდან სამი თვის შემდეგ სასოფლო-სამეურნეო საკრედიტო ამ-
ხანაგობა „გლეხობა“ ვალდებულია ამა თამასუქით გადაუხადოს ქ. ტფილისში
საქართველოს სსრ სასოფლო-სამეურნეო ბანკს ორი ათასი მანეთი.

სასოფლო-სამეურნეო საკრედიტო ამხანაგობა „გლეხობის“ რწმუნებულ-
ობით, რაც დამოწმებულია ქ. ზესტაფონის სახალხო მოსამართლის მიერ 1927 წლ.
თებერვლის 9-ს თარიღითა და 340 №-რით,—

ამხანაგობის გამგეობის თავმჯდომარე—ი. ჯაფარიძე.

3. მარტივი თამასუქი, რომლის ვადა ღგება წარდგენისთანავე და რომ-
ლითაც ფული გადახდილ უნდა იქნეს ჩერვონცებად სახელმწიფო ბანკის საბან-
კო ბილეთებით.

ტფილისი, 1927 წ. თებერვლის 1-ს.

თამასუქი 3,000 ჩერვონცისა საბანკო ბილეთებით.

ამ თამასუქის წარდგენისთანავე საქართველოს სსრ მიწათმოქმედების სა-
ხალხო კომისარიატის სახალხო მამულების ტრესტი ვალდებულია გადაუხადოს
ქალ. ტფილისში სსრ კავშირის სახელმწიფო ბანკს სამი ათასი ჩერვონცი სა-
ხელმწიფო ბანკის საბანკო ბილეთებით.

საქართველოს სსრ სახალხო მამულების ტრესტის გამგე—კ. კანდელაკი.

4. მარტივი თამასუქი, რომლის ვადა ღგება წარდგენის შემდეგ ამა და
ამ დროს.

სოფ. ლია 1927 წ. იანვრის 15.

თამასუქი 1.000 მან.

ორი თვის შემდეგ ამა თამასუქის წარდგენიდან ლიის სასოფლო-სამეურ-
ნეო საკრედიტო ამხანაგობა „მეურნე“ ვალდებულია გადაუხადოს ქ. ტფილისში
საქართველოს სსრ სასოფლო-სამეურნეო კოოპერატივთა კავშირს „სოფლის-
კავშირს“ ათასი მანეთი.

ლიის სასოფლო-სამეურნეო საკრედიტო ამხანაგობა „მეურნე“.

ზუგდიდის მაზრის ლიის თემის აღმასრულებელი კომიტეტი 1927 წლ.
იანვრის 14-ის თარიღითა და 73 ნომრით დამოწმებული

რწმუნებულობით—ა. ქარცივაძე.

5. მარტივი თამასუქი, რომლის ვადა ღგება მისი წარდგენისთანავე იმ
განსაკუთრებული ვადის აღნიშვნით, რომლის განმავლობაშიაც შეიძლება მისი
წარდგენა ფულის გადასახდელად.

ტფილისი, 1927 წ. მარტის 1.

თამასუქი 50.000 მანეთისა.



ოთხი წლის განმავლობაში დღიდან ამა თამასუქის შედგენისა მისი წარდგენისთანავე სააქციო საზოგადოება „ზაქავტომპრომტორგ“ ვალდებულია გადაუხადოს ქალ. ტფილისში საეაქრო-სამრეწველო ბანკს ორმოცდაათი ათასი მანეთი.

სააქციო საზოგადოება „ზაქავტომპრომტორგ“.
გამგეობის თავმჯდომარე—ა. ზაარძე.
გამგეობის წერილი—გ. ხიმონაშვილი.

6. მარტივი თამასუქი, რომლის ვადა დგება წარდგენისთანავე, იმ განსაკუთრებული ვადის აღნიშვნით, რომლის განმავლობაშიაც შეიძლება მისი წარდგენა ფულის გადასახდელად; ამასთანავე ფული გადახდილ უნდა იქნეს ოქროთი.

ტფილისი, 1927 წ. მარტის 1.
თამასუქი 50.000 მან. ოქროთი.

ოთხი წლის განმავლობაში დღიდან ამა თამასუქის შედგენისა მისი წარდგენისთანავე სააქციო საზოგადოება „ზაქავტომპრომტორგ“ ვალდებულია გადაუხადოს ქ. ტფილისში საეაქრო-სამრეწველო ბანკს ორმოცდაათი ათასი მანეთი ოქროთი.

სააქციო საზოგადოება „ზაქავტომპრომტორგ“
გამგეობის თავმჯდომარე—ა. ზადრიძე.
გამგეობის წერილი—გ. ხიმონაშვილი.

7. მარტივი თამასუქი, იმ განსაზღვრული სადგომის აღნიშვნით, სადაც უნდა მოხდეს ფულის გადახდა (მაგ. ბანკი).

ბათომი, 1927 წ. აპრილის 10.
თამასუქი 15.000 მან.

ათას ცხრაას ოცდაშვიდი წლის ოქტომბრის ათს აქარისტანის საპაიო ამხანაგობა „აქარისტანის ვაქრობა“ ვალდებულია ამა თამასუქით გადაუხადოს ქ. ტფილისში სსრ კავშირის სახელმწიფო ბანკის ამიერკავკასიის ოლქის კონტორაში საქართველოს სსრ მიწათმოქმედების სახალხო კომისარიატის სახალხო მამულების ტრესტს ხუთმეტეი ათასი მანეთი.

აქარისტანის საპაიო ამხანაგობის „აქარისტანის ვაქრობის“ რწმუნებულებით, რაც სანოტარო წესით დამოწმებულია ბათომის სახელმწიფო სანოტარო კონტორაში 1927 წლ. იანვრის 2-ს თარიღითა და ამა და ამ №-ით.

გ. ხოფერია.

ბ. შვირბაზული თამასუქი.

1. შეზღუდული თამასუქი, რომლის ვადა დგება განსაზღვრულ დღეს, სააქციო წარწერით.

ტფილისი, 1927 წლ. მარტის 10.
თამასუქი 10.000 მან.

ათას ცხრაას ოცდაშვიდი წლის სექტემბრის ათს გადაუხადეთ ამა თამასუქით ქალ. ტფილისში სააქციო საზოგადოება—„ტფილისის ვაქრობა“-ს ათი ათასი მანეთი.

ტფილისის ერთიანი მუშათა კოოპერატივი „მუშკოობი“
გამგეობის თავმჯდომარე—ი. გოცირიძე.
გამგეობის წერილი—ა. კაკულია.

ამსკატკმნილია რწმუნებულებით
ა. ზერიძე

საქართველოს სსრ
სამომხმარებლო ორგანიზა-
ციათა ცენტრალურ კოოპერა-
ტიულ კავშირს „ცეკავშირს“.
ტფილისი, როზა ლიუქსენბურ-
გის ქუჩა, 4.

1927 წ. აპრილის 10-ს აქცეპტ-
ქმნილია „მუშკოოპის“-ს რწმუ-
ნებულობით (ხელმოწერა).

2. შეპირებული თამასუქი, რომლის ვადა დგება ამა და ამ დრო-
ის შემდეგ დღიდან მისი შედგენისა, სათამასუქო თანხის ნაწილის
აქცეპტის წარწერითა და გადამხდელის (აქცეპტანტის) საცხოვრე-
ბელ ადგილას ფულის გადახდით.

სოხუმი, 1927 წ. მაისის 15.
თამასუქი 1.000 მანეთისა.

ოთხი თვის შემდეგ ამა რიცხვიდან გადაუხადეთ ამა თამასუქით იბ-
რაჰიმ ზურაბოვს ათასი მანეთი. ივანე მაჭისიმეს-ძე ნინიძე.
სპირიდონ ვასილის-ძე გაჩეჩილაძე.
ქ. ტფილისი.

3. შეპირებული თამასუქი, რომლის ვადა დგება ამა და ამ
დროის შემდეგ მისი წარდგენიდან,—სააქცეპტო წარწერით დათა-
რილებული.

ტფილისი, 1927 წ. აპრილის 1.
თამასუქი 5.000 მანეთისა.

ხუთმეტი დღის შემდეგ ამა თამასუქის წარდგენიდან გადაუხადეთ
ქალ. ტფილისში საქართველოს სსრ სახალხო მეურნეობის უმაღლესი
საბჭოს ზეთის სახდელ და საპნის სახარშ ტრესტს ხუთი ათასი
მანეთი.

ტფილისის ერთიან მუშათა კოო-
პერატივის „მუშკოოპს“, ტფილი-
სი, გორგისის ქ., 7.

საქართველოს სახელმწიფო კაქრობის
საპაიო ამბანაჯობა. ვამგეობის თავმჯდო-
მარე ნ. ამირალოვი, ვამგეობის წევრი
ა. ჯაფარიძე.

4. შეპირებული თამასუქი, რომლითაც ფული გადახდილ უნდა იქნეს
საზღვარგარეთ, ორ ნიმუშად.

1-ლი ნიმუში თამასუქისა, რომელიც გაცემულია მხოლოდ სააქცეპტოდ.

ტფილისი, 1927 წ. ივნისის 15.

პირველი ნიმუში. თამასუქი 2000 გირვანქა სტერლინგი.
ათას ცხრაას ოცდაშვიდი წლის ოქტომბრის ოცს გადაუხადეთ ამა პირ-



ველი თამასუქით, უკეთუ მეორე თამასუქით არ არის გადახდილი, ქ. ლონდონში სააქციო საზოგადოება „იმპორტ“-ს ორი ათასი გირვანქა სტერლინგი.

მოქალაქე ჯონ ჩემბერსს, ქ. ლონდონი, ბეკერ-სტრიტ, № 13. სახელმწიფო საექსპორტო-საიმპორტო საეაქრო კონტორა „ხაკოსტორგ“.

გამგეობა:

გამგეობის თავმჯდომარე—ი. გოცირიძე.

გამგეობის წევრი—ა. კაკულია

შენიშვნა. იმ თამასუქის მეორე გვერდი, რაც მხოლოდ სააქციებთან დაა ვაცემული, უნდა გადაიხაზოს.

მე-2 ნიმუში თამასუქისა.

ტფილისი, 1927 წლ. ივნისის 15.

მეორე ნიმუში. თამასუქი 2.000 გირვანქა სტერლინგისა. ათას ცხრას ოცდაშვიდი წლის ოქტომბრის ოცს გადაუხადეთ ამა მეორე თამასუქით, უკეთუ პირველი თამასუქით არ არის გადახდილი, ქალ. ლონდონში სააქციო საზოგადოება „იმპორტ“-ს ორი ათასი გირვანქა სტერლინგი.

მოქალაქე ჯონ ჩემბერსს, ქ. ლონდონი, ბეკერ-სტრიტ, № 3. სახელმწიფო საექსპორტო-საიმპორტო საეაქრო კონტორა „ხაკოსტორგ“.

გამგეობის თავმჯდომარე—ი. გოცირიძე.

გამგეობის წევრი—ა. კაკულია.

ბ. გადაცემის წარწერები.

1. სახელობით.

გადაუხადეთ სსრ კავშირის საგარეო ვაჭრობის ბანკს. სააქციო საზოგადოება „ტფილისის ვაჭრობა“. გამგეობა: **პ. ბრეგვაძე** და **ლ. ხუნდაძე**.

2. საბლანკო.

„არმენტორგი“-ს რწმუნებულობით—**გ. აგაბაზოვი**.

3. უკუშეუქცეველობის წარწერა—სახელობით.

გადაუხადეთ საერთო საკავშირო კოოპერატიულ ბანკს „ესკოპანკს“, ჩემდა მოუქცეველად. ლევან მიხეილის-ძე ანთაძე.

4. უკუ-შეუქცეველობის წარწერა საბლანკო.

მიუქცეველად. საიქციო საზოგადოება „ტფილისის ვაჭრობა“.

გამგეობის თავმჯდომარე—**პ. ბრეგვაძე**.

გამგეობის წევრი—**ლ. ხუნდაძე**.

5. მინდობილობის წარწერა საკრედიტო დაწესებულებათა სახელზე.

ა) გადაუხადეთ სსრ კავშირის სახელმწიფო ბანკს. ვალიუტა ინკასო.

საერთო საკავშირო სადევიტო სინდიკატი. რწმუნებულობით **ა. შაპოშნიკოვი**.

ბ) გადასახდელი ფულის მიღებას ვანდობთ ამიერ-კავკასიის სასოფლო-სამეურნეო ბანკს. ზესტაფონის სასოფლო-სამეურნეო საკრედიტო ამხანაგობა „გლებობა“. რწმუნებულობით **ა. ბერიძე**.



დ. შესწორება თამასუძის ტექსტში.

1. ქ. ტფილისის, 1927 წ. აპრილის 10.
თამასუქი 1.000 მან.

ათას ცხრაას ოცდაშვიდი წლის აგვისტოს პირველს ამა თამასუქით ვალ-ისყიდარის-ძე

დებული ვარ გადაუხადო ქ. ბაქოში ივანე აკიმის-ძე ოვანესოვს ერთი ათასი მანეთი. წაშლილი „აკიმის-ძე“ შეცდომაა. ზეწარწერი „ისყიდარის-ძე“, სწორია.

დავით ბესარიონის-ძე ასრივეი.

2. ტფილისი, 1927 წ. თებერვლის 1.
თამასუქი 2.000 მანეთისა.

ამ თამასუქის წარდგენისთანავე საქართველოს სსრ სახალხო მეურნეო-„საქტეისტრესტი“-

ბის უმაღლესი საბჭოს სატყეო ტრესტი - ვალდებულია გადაუხადოს ქ. ტფილისში სსრ კავშირის სახელმწიფო ბანკს ორი ათასი მანეთი. ტექსტში ჩამატებული „საქტეისტრესტი“ სწორია.

საქართველოს სმუს სატყეო მრეწველობის ტრესტი „საქტეისტრესტი“.

ტრესტის გამგე—ნ. ბრეგაძე.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

საქართველოს სსრ სახალხო კომისართა საბჭოს თავმჯდომარე დ. ქართველიშვილი.

სრულიად საქართველოს საბჭოთა ცენტრალური აღმასრულებელი კომიტეტის მდივანი შ. მათიკაშვილი.

1928 წ. იანვრის 10.

ტფილისი—სასახლე.

4. დადგენილება № 4 ც. ა. ძ. დან. ძ. ს.

საქართველოს სსრ იუსტიციის სახალხო კომისარიატის სახამარლოს წყობი-ლებისა და ზედამხედველობის განყოფილებასთან არსებულ ხანოტარო ქვე-განყოფილების დებულების დამტკიცების შესახებ.

სრულიად საქართველოს საბჭოთა ცენტრალური აღმასრულებელი კომი-ტეტი და საქართველოს სოც. საბჭ. რესპუბლიკის სახალხო კომისართა საბჭო აღგენენ:



1. დამტკიცებულ იქნეს საქართველოს სსრ იუსტიციის სახალხო კომისარიატის სასამართლოს წყობილებისა და ზედამხედველობის განყოფილებასთან არსებული სანოტარო ქვეგანყოფილების შემდეგი დებულება.

2. გაუქმებულ იქნეს სანოტარო განყოფილებანი აღმოსავლეთ და დასავლეთ საქართველოს ყოფილ ოლქის სასამართლოებთან. ამისთანავე აღმოსავლეთ საქართველოს ყოფილი ოლქის სასამართლოს სანოტარო განყოფილების სანოტარო არქივი გადაეცეს ქალ. ტფილისის პირველ სახელმწიფო სანოტარო კონტორას, ხოლო დასავლეთ საქართველოს ყოფილი ოლქის სასამართლოს სანოტარო განყოფილების სანოტარო არქივი ქალ. ქუთაისის პირველ სახელმწიფო სანოტარო კონტორას.

3. ამა დადგენილებით დამტკიცებული დებულების სამოქმედოთ შემოღების ვადასა და განხორციელებას წესს განსაზღვრავს იუსტიციის სახ. კომისარია.

4. დადგენილის იუსტიციის სახ. კომისიარს შეიმუშავოს და წარუდგინოს ერთი თვის ვადაზე სრულად საქართველოს საბჭოთა ცენტრალურ აღმასრულებელ კომიტეტსა და სახალხო კომისარათა საბჭოს დასამტკიცებლად დადგენილების პროექტი იმ ცვლილებათა შესახებ, რაც, ამა დებულების შემოღების გამო, შეტანილ უნდა იქნეს სასამართლოს წყობილების დებულებასა და იუსტიციის სახ. კომისარიატის დებულებაში.

დ ე ბ უ ლ ე ბ ა

საქართველოს სსრ იუსტიციის სახალხო კომისარიატის სასამართლო წყობილებისა და ზედამხედველობის განყოფილებასთან არსებული სანოტარო ქვეგანყოფილების შესახებ.

1. საქართველოს სსრ იუსტიციის სახალხო კომისარიატის სასამართლოს წყობილების და ზედამხედველობის განყოფილებასთან არსებობს სანოტარო ქვეგანყოფილება, რომელსაც უშუალოდ განაგებს ამ ქვეგანყოფილების გამგე.

2. სანოტარო ქვეგანყოფილებას დაეკისრება:

ა) სანოტარო დაწესებულებათა ორგანიზაცია და მათი მოქმედებისათვის ხელმძღვანელობის გაწევა;

ბ) წინასწარი შეგუშავება საკანონმდებლო აქტებისა, ინსტრუქციებისა, ცირკულარებისა და განმარტებათა პროექტებისა იმ საკითხების გამო, რაც ნოტარიატს ეხება;

გ) ზედამხედველობა სანოტარო დაწესებულებათა მოქმედებისათვის და ნოტარიატის მომუშავეთა აღნუსხვა;

დ) სანოტარო ორგანოების, მათ შორის სანოტარო მოქმედების აღმასრულებელი სახალხო მოსამართლეებისა და სათემო აღმასრულებელი კომიტეტების რევიზიისა და ორგანოებისათვის ინსტრუქტიოზის გაწევა;

ე) სანოტარო დაწესებულებათა მუშაობის წარმართვა საფინანსო, საბუხ-საანგარიშო, სასაჩუქარიო და საანგარიშგებო დარგში, საერთო საფუძველ-



ზე, კერძოდ-კი: ა) ხარჯთ-აღრიცხვის პროექტის შედგენა სანოტარო დაწესებულებათა შემოსავლისა და გასავლისათვის და ხელშეშლადობისა და კონტროლის გაწევა ხარჯთ-აღრიცხვის შედგენისათვის; ბ) შემოსავალ-გასავლის აღწერა; გ) ინსტრუქციებისა და ცირკულარების შედგენა და განმარტებათა მიცემა ისეთ საკითხებზე, რაც საფინანსო მოქმედებას შეეხება.

ვ) ხელშეშლადობის გაწევა სანოტარო დაწესებულებათა მუშაობისათვის სტატისტიკის დარგში;

ზ) სანოტარო დაწესებულების მიერ დამოწმებული და საზღვარგარეთ გასატანი დოკუმენტებისათვის ვიზის ვაკეთება.

3. ქვეგანყოფილების ბუჯალტერიას დაეკისრება ყველა იმ საკითხის შემუშავება, რაც კი სანოტარო დაწესებულებათა საფინანსო, სახარჯთაღრიცხვო, საანგარიშო და საბუჯალტერო ნაწილს შეეხება; შემოსავალ-გასავლის ხარჯთ-აღრიცხვათა შედგენა, ფულის ანგარიშების სისტემატიზაცია და შეჯამლება; შემოწმება იმისა, თუ რამდენად შეესაბამება სანოტარო დაწესებულების ხარჯთ-აღრიცხვა ტიპიურ ნორმას; სანოტარო დაწესებულებისათვის ინსტრუქციების ხაწევა საფინანსო და საანგარიშო საკითხებში და ქვეგანყოფილების საფინანსო-საანგარიშო ნაწილის გამგებლობა.

4. სანოტარო ქვეგანყოფილების შენახვისათვის საჭირო ხარჯი უნდა დაითვალოს სანოტარო დაწესებულებაში სანოტარო მოქმედებისა და ტეხნიკური მუშაობისათვის შემოსული გამოსაღებით (გარდა იმ გამოსაღებისა, რაც სათემო აღმასრულებელ კომიტეტში შევა). ეს გამოსაღები შეადგენს იუსტიციის სახ. კომისარიატის სპეციალურ სახსარს. ქვეგანყოფილების ხარჯთაღრიცხვა, ფინანსთა სახალხო კომისართან შეთანხმებით, დამტკიცებულ იქნება იუსტიციის სახალხო კომისარის მიერ და წარედგინება საქართველოს სსრ სახალხო კომისართა საბჭოს.

5. ქვეგანყოფილებას აქვს თავისი სახელდახელო ანგარიში ფინანსთა სახ. კომისარიატის საღაროებში და სახელმწიფო ბანკში. ყველა ის სანოტარო განყოფილება, რომელიც ქ. ტფილისის-გარე იმყოფება, მოვალეა ყოველივე არა უგვიანეს საანგარიშო თვის მომდევნო თვის 5-ს რიცხვისა, შეიტანოს ქვეგანყოფილების სახელდახელო ანგარიშზე ის თანხა, რაც კი დარჩება დამტკიცებული ხარჯთაღრიცხვის ფარგლებში ყველა ხარჯის გასტუმრებისა და უახლოეს თვისათვის საჭირო ავანსების თვის სახელდახელო ანგარიშზე გადარიცხვის შემდეგ, ხოლო ქ. ტფილისის სანოტარო დაწესებულებანი, რომელთა შენახვისათვისაც საჭირო ხარჯებს სანოტარო ქვეგანყოფილება ეწევა, შემოსულ სანოტარო გამოსაღებს, არა უგვიანეს ერთი კვირის ვადისა, შეიტანენ უშუალოდ ქვეგანყოფილების საღაროში.

6. ნოტარიატის სპეციალური სახსარის განმკარგულებელი იუსტიციის სახ. კომისარია; ხოლო ხარჯებს დამტკიცებული საკვარტალო გეგმის ფარგლებში ეწევა სანოტარო ქვეგანყოფილების გამგე.

7. კვარტალის დამლევს დარჩენილი თანხა, იმ ავანსების გამოკლებით, რაც კი დასჭირდება ხარჯების დაფარვას შემდეგი კვარტალის განმავლობაში, ვადი-

რიცხვება ხაზინის შემოსავლად. წლიური ხარჯთაღრიცხვის გასაქვლს გაანაწილებს კვარტალებზე ოუსტიციის სახ. კომისარიატი ფინანსთა. სახ. კომისარიატთან შეთანხმებით.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე ლ. ქართველიშვილი. სრულიად საქართველოს საბჭოთა ცენტრალური აღმასრულებელი კომიტეტის მდივანი შ. მათიკაშვილი.

1928 წ. იანვრის 10.
ტფილისი—სასახლე.

5. დ ა დ გ ე ნ ი ლ ე ბ ა № 5 ც. ა. ქ. და ს. ქ. ს.

საქართველოს სოც. საბჭ. რესპუბლიკის სისხლის სამართლის კოდექსის 199 მუხლის შეცვლის შეხახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წლის მარტის 10-ის თარიღისა და 77 №-ის დადგენილების მე-2 მუხლის წესისამებრ—სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

საქართველოს სოც. საბჭ. რესპუბლიკის სისხლის სამართლის კოდექსის 199 მუხლი მიღებულ იქნეს შემდეგი რედაქციით:

მუხ. 199. შევახშობა, ე. ი. ყოველგვარი სესხისათვის ისეთი რაოდენობის პროცენტის გადახდევინება, რაც სპეციალური დადგენილებით განსაზღვრულ უკიდურეს ნორმებს აღემატება, და აგრეთვე წარმოების იარაღისა და საქონლის სარგებლისათვის მიცემა ისეთი სასყიდლის გადახდევინებით, რაც ამა თუ იმ ადგილას არსებულ ჩვეულებრივ რაოდენობას აშკარად აღემატება, გამოიწვევს

თავისუფლების აღკვეთას ერთ წლამდე.

იგივე კმედობა, ჩადენილი მსესხებლის გაქირავების ან შევიწროებულ მდგომარეობის გამოყენებით ან და ხელობის სახით, გამოიწვევს თავისუფლების აღკვეთას სამ წლამდე სასტიკი იზოლაციით.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე ლ. ქართველიშვილი.

სრულიად საქართველოს საბჭოთა ცენტრალური აღმასრულებელი კომიტეტის მდივანი შ. მათიკაშვილი.

1928 წ. იანვრის 31.
ტფილისი—სასახლე.

6. დადგენილება № 6 ც. ა. კ. და ს. კ. ს.

სამოქალაქო სამართლის საპროცესო კოდექსის 210 მუხლისათვის „ი“ პუნქტის დამატების შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-რის დადგენილების მე-2 მუხლის წესისამებრ სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

სამოქალაქო სამართლის საპროცესო კოდექსის 210 მუხლს დაემატოს პუნქტი „ი“ შემდეგი შინაარსისა:

„ი) საურთიერთო დახმარების შრომის საღარიოს წევრების მიერ ამ საღარიოსათვის მიცემულ ვალდებულებაზე.“

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე ლ. ქართველიშვილი.

სრულიად საქართველოს საბჭოთა ცენტრალური აღმასრულებელი კომიტეტის მდივანი შ. მათიკაშვილი.

1928 წ. იანვრის 31.

ტფილისი - სასახლე.

7. დადგენილება № 7 ც. ა. კ.

სათემო საბჭოებისა, სათემო აღმასრულებელი კომიტეტებისა და მოქალაქეთა საზოგადო კრებების დებულების 54 მუხლისათვის „ი“ პუნქტის დამატების შესახებ.

სრულიად საქართველოს საბჭოთა ცენტრალური აღმასრულებელი კომიტეტი ადგენს:

1925 წლის ივლისის 16-ის თარიღით დამტკიცებული „სათემო საბჭოებისა, სათემო აღმასრულებელი კომიტეტებისა და მოქალაქეთა საზოგადო კრებების დებულების“ 54 მუხლს დაემატოს პუნქტი „ი“ შემდეგი შინაარსისა:

ი) მიიღოს, თავის გამგებლობის ფარგლებში, საჯირო ღონისძიებანი, რათა დაცულ იქნეს წითელარმიელთა და მათი ოჯახების ყველა უფლება და ინტერესი, თანახმად „სსრ კავშირის მუშათა და გლეხთა წითელი არმიისა და მუშათა და გლეხთა წითელი ფლოტის სამხედრო მსახურთა და მათ ოჯახთა შეღავათებისა და უპირატესობის კანონების კოდექსისა“ და იმ დადგენილებები-

სა, ინსტრუქციებისა და ცირკულარებისა, რაც გამოცემულია სათანადო ორგანოების მიერ აღნიშნული კოდექსის დასამატებლად და განსაფიქრებლად.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე **ფ. შახარაძე**.

სრულიად საქართველოს საბჭოთა ცენტრალური აღმასრულებელი კომიტეტის მდივანი **შ. შათიკაშვილი**.

1928 წ. იანვრის 31.

ტფილისი—სასახლე.

სახალხო კომისართა საგჟოს დღგანიღაგანი

ს. დ ა დ გ ე ნ ი ლ ე ბ ა ს. ა. ს.

საქართველოს სსრ სახელმწიფო გამომცემლობის „სახელგამი“-ს დებულების დამტკიცების შესახებ.

საქართველოს სსრ სახალხო კომისართა საბჭო ადგენს:

1. დამტკიცებულ იქნეს ამასთანავე დართული დებულება საქართველოს სსრ სახელმწიფო გამომცემლობის „სახელგამი“-ს შესახებ.

2. გაუქმებულ იქნეს 1926 წ. ივლისის 10-ს დამტკიცებული დებულება საქართველოს სსრ სახელმწიფო გამომცემლობის შესახებ.

საქართველოს სსრ სახალხო კომისართა საბჭოს თავმჯდომარე **ლ. ქართველიშვილი**.

საქართველოს სსრ სახალხო კომისართა საბჭოს საქმეთა მმართველი **პ. მეგრელიშვილი**.

1928 წ. იანვრის 10.

ტფილისი—სასახლე.

დ ე ბ უ ლ ე ბ ა

საქართველოს სსრ სახელმწიფო გამომცემლობის „სახელგამი“-ს შესახებ.

I. ზოგადი დებულებანი.

1. საქართველოს სსრ სახელმწიფო გამომცემლობა, შემოკლებული სახელწოდებით „სახელგამი“ დაარსდება განათლების სახალხო კომისარიატთან მეცნიერული, პოლიტიკური, მხატვრული და სხვა ყოველგვარი ნაწარმოებისა, აგრეთვე სასწავლო ნივთებისა და სახელმძღვანელოების გამოცემისა და გავრცელებისათვის.

2. 1-ლ მუხლში აღნიშნული მიზნის განსახორციელებლად სახელგამს უფლება აქვს:

ა) გამოსცეს და გაავრცელოს ყოველგვარი პერიოდული და არა პერიოდული ლიტერატურა მეცნიერებისა, ხელოვნების და პოლიტიკის დარგში, როგორც ორიგინალური, ისე თარგმნილი.

შენიშვნა. სასწავლო წიგნებისა და სახელმძღვანელოების გამოცემა-გავრცელება შეადგენს სახელგამის მონოპოლიურ უფლებას.

ბ) შეიძინოს, გაყიდოს, მიღოს საკომისიოდ ყოველგვარი ნაბეჭდი ნაწარმოები და საკანცელარიო საქონელი:

გ) ვახსნას ყველგან, სსრკ ტერიტორიაზე, სავაჭრო განყოფილება, სააგენტო, საბითუმო და ცალკობითი პუნქტი, საწყობი და სხვ.;

დ) იქონიოს საკუთარი სტამბა, ლიტოგრაფია, საეკზიბიციო სახელოსნო და ყოველგვარი საწარმო, რაც დაკავშირებულია გამომცემლობის საქმესთან;

ე) მიიღოს ყოველგვარი შეკვეთა, რაც-ც გამომცემლობის მიზანს შეესაბამება, გამოიყენოს კრედიტი, დასდოს ხელშეკრულება, ისარჩელოს და პასუხი აგოს სასამართლოში და სხვ.

3. სახელგამი შეადგენს დამოუკიდებელ სამეურნეო ერთეულს და მას აქვს იურიდიული პირის ყველა უფლება.

4. სახელგამი იმყოფება ტვილისში. სახელგამს აქვს ბეჭედი საქართველოს სსრ სახელმწიფო ღერბის გამოხატულებით და სავაჭრო მარკა.

II. სახელგამის ძონება.

პასუხისმგებლობის წესი.

5. სახელგამს ეძლევა საწესდებო კაპიტალი, რომლის საორიენტაციო რაოდენობა ხუთას ათას მანეთით გამოიხატება.

6. თავის ვალდებულებაათვის სახელგამი პასუხს აგებს მხოლოდ მისი კუთვნილი ქონებით, რაზედაც, მომქმედი კანონმდებლობის თანახმად, შეიძლება მიქცეულ იქნეს გადახდებიანება. სახელმწიფო ხაზინა სახელგამის ვალდებულებისათვის პასუხს არ აგებს.

III. სახელგამის მართვალობა.

7. განათლების სახალხო კომისრის კომპეტენციას ეკუთვნის:

ა) წარუდგინოს ეკონომიურ საბჭოს დასამტკიცებლად სახელგამის საწარმო-საფინანსო გეგმა;

ბ) წარუდგინოს ეკონომიურ საბჭოს დასამტკიცებლად ახალ წარმოებით საწარმოთა მშენებლობის გეგმა, აგრეთვე არსებულ საწარმოთა გაწყობილობის დამთავრებისა და გადაკეთების გეგმა;

გ) დანიშნოს და დაითხოვოს გამგეობისა, სარევიზიო კომისიისა და სალიკვიდაციო კომისიის წევრები და განსაზღვროს მათი გასამრჯელოს რაოდენობა;

დ) დაამტკიცოს ინსტრუქციები გამგეობისა და სარევიზიო კომისიისათვის;

ე) დაამტკიცოს ანგარიში, ბალანსი, მოგებისა და ზარალის ანგარიში, მოგების განაწილება, აგრეთვე დაამტკიცოს სალიკვიდაციო ანგარიში და ბალანსი;

ვ) აღძრას საკითხი ამა დებულებისა და საწესდებო კაპიტალის რაოდენობის შეცვლის შესახებ;

ზ) ნება დართოს სახელგამს მიიღოს მონაწილეობა სააქციო საზოგადოებათა და სხვა საფაქრო-სამრეწველო შენაერთთა დაარსებაში და შეიძინოს ასეთ საზოგადოებათა და შენაერთთა აქციები და პაეტი, აგრეთვე მიიღოს მონაწილეობა ისეთ საზოგადოებებში, რომელნიც მოგებას მიზნად არ ისახავენ, უკეთუ წაით მიზნები სახელგამის მიზნებს შეესაბამება;

ი) მოახდინოს სახელგამის მოქმედების რევიზია და გამოკვლევა;

8. სახელგამის გამგეობა დაინიშნება სამი წევრის შედგენილობით: თავმჯდომარე, მისი მოადგილე და გამგეობის ერთი წევრი.

9. გამგეობა დამოუკიდებელივ აწარმოებს მთლად სახელგამის ოპერატიულ მუშაობას, განაგებს მის საქმეებს და ქონებას, სდებს ვარიგებასა და ასრულებს ამა თუ იმ ოპერაციას, რაც-კი სახელგამის გამგებლობის ფარგალში შედის.

10. რათა გამგეობის დადგენილება კანონიერი იყოს, სხდომაში მონაწილეობა უნდა მიიღოს წევრთა უმეტესობამ, მათ შორის თავმჯდომარემ ან მისმა მოადგილემ. გამგეობის გაიარაწვეტილება მიიღება დამსწრე წევრთა ხმების მარტივი უმეტესობით. უკეთუ ხმები შუაზე გაიყო, თავმჯდომარის ხმა გადასძლევს მიღებული დადგენილება ძალაში დაუყოვნებლივ შედის.

11. უკეთუ თავმჯდომარე თანახმა არ არის გამგეობის წევრთა უმეტესობისა, მას უფლება აქვს თავისი პასუხისმგებლობით განახორციელოს თავისი გადაწყვეტილება, ხოლო დაუყოვნებლივ უნდა აცნობოს განათლების სახალხო კომისარს შეუთანხმებლობის გარემოება და მის მიერ მიღებული ღონისძიებანი. განათლების სახალხო კომისარს უფლება აქვს გააუქმოს თავმჯდომარის გადაწყვეტილება.

12. მოვალეობათა განაწილება გამგეობის წევრთა შორის მოხდება გამგეობის დადგენილებით მე-7 მუხლის „დ“ პუნქტის თანახმად.

13. მთლად სახელგამის მიწერ-მოწერა, თამასუქი, მინდობილობა, ხელშეკრულება, აგრეთვე იურიდიული მნიშვნელობის აქტი ხელმოწერალ უნდა იქნეს გამგეობის თავმჯდომარისა, ხოლო, თავმჯდომარის არ ყოფნის დროს, მისი მოადგილის მიერ. მიმდინარე ანგარიშის ჩეკს ხელს მოაწერენ თავმჯდომარე და ბუჰალტერი; თავმჯდომარის არ ყოფნის დროს—მისი მოადგილე. საფოსტო ამანათისა, ყოველგვარი კორესპონდენციისა, ფულისა და დოკუმენტის მისაღებად საკმარისი გამგეობის ერთ-ერთი წევრის ხელის მოწერა, სახელგამის ბეჭდის დასმით.

14. სახელგამთან არსებობს:

ა) სარედაქციო კოლეგია;

ბ) საგამომცემლო განყოფილება;

გ) საფაქრო-საწარმოო განყოფილება;

დ) ბუხალტერია და კანცელარია.

სარედაქციო კოლეგია შესდგება 15 წევრისაგან, რომელთაც განათლების სახალხო კომისარი დანიშნავს.

სარედაქციო კოლეგია, საგამომცემლო განყოფილება, საეკსპრო-საწარმოო განყოფილება, ბუხალტერია და კანცელარია მოქმედებენ სახელგამის გამგეობის მიერ შემუშავებული და განათლების სახალხო კომისარის მიერ დამტკიცებული ინსტრუქციების თანახმად.

IV. სახელგამის რევიზია.

15. სახელგამის მოქმედების რევიზიას განახორციელებს განათლების სახალხო კომისარი, რომელიც საამისოდ მოაწყოებს სარევიზიო კომისიას სამი წევრის შედგენილობით.

16. სარევიზიო კომისიის მოვალეობას შეადგენს: შეამოწმოს ამა დებულეზი ვათვალისწინებული პერიოდული ანგარიშები და ბალანსები, მისცეს დასკვნა ხარჯთაღრიცხვისა და მუშაობის გეგმის, აგრეთვე წლიური ანგარიშის შესახებ მთლიანად. ამ მოვალეობის შესასრულებლად სარევიზიო კომისიას უფლება აქვს მოითხოვოს დაეთრებისა, გამმართლებელი დოკუმენტებისა, ხელშეკრულებისა და მიწერ-მოწერის წარდგენა; აგრეთვე შეამოწმოს სალაროს ხელთკონებულეზა.

17. სარევიზიო კომისია თავისი მოქმედებისათვის იხელმძღვანელებს სპეციალურ ინსტრუქციას, რასაც დაამტკიცებს განათლების სახალხო კომისარი.

V. კ რ ე დ ი ტ ი.

18. სახელგამს უფლება აქვს კრედიტი გაიხსნას სახელმწიფო, კოოპერატიულ და კერძო საკრედიტო დაწესებულეზებში.

19. სახსარი სახელგამს ეძლევა აგრეთვე საბიუჯეტო ასიგნეის წესით.

VI. სახელგამის ანგარიშგება და მისი ბალანსის დამტკიცება.

20. საოპერაციო წელიწადი განსაზღვრულია იანვრის 1-დან დეკემბრის 31-მდე.

21. ყოველწლიურად სახელგამის გამგეობა წარადგენს განათლების სახალხო კომისარიატში, არა უგვიანეს სამის თვისა საოპერაციო წლის დამთავრებიდან, განსახილველად და დასამტკიცებლად, განსაზღვრული წესისამებრ, ანგარიშს, ბალანსს და მოგებისა და ზარალის ანგარიშს.

22. დამტკიცებული ბალანსი და მოგებისა და ზარალის ანგარიში გამოქვეყნებულ იქნება საჯარო ანგარიშგების წესებით განსაზღვრული წესისამებრ.

VII. მოგების განაწილება.

23. ყოველწლიურად, განსაზღვრული წესისამებრ, წლიური ანგარიშისა და ბალანსის დამტკიცებისას, სახელგამის მოგებიდან პირველ რიგში გადაიდება



ანარიცხი საშემოსავლო გადასახადისა და ამ გადასახადის ადგილობრივი ზედნართის გასასტუმრებლად.

მოგების დანარჩენი ნაწილი, უკეთუ სახელგამის ბალანსით ნაჩვენები იქნება წარსული წლების ზარალი, მიიქცევა ამ ზარალის დასაფარავად.

24. უკეთუ ბალანსით ნაჩვენები არ იქნება წარსული წლების ზარალი, მოგების დარჩენილი ნაწილი განაწილებულ უნდა იქნეს შემდეგნაირად:

ა) 10% გადაირიცხება მუშათა და მოსამსახურეთა მდგომარეობის გაუმჯობესების ფონდში,

ბ) 10% გადაირიცხება ამორტიზაციისათვის,

გ) 10% გადაირიცხება სარეზერვო კაპიტალში, ვიღრე იგი მიაღწევდეს საწესდებო კაპიტალის ნახევრამდე,

დ) 20% გადაირიცხება მაკულატურისათვის,

ე) მოგების დანარჩენი ნაწილი მიიქცევა სახელგამის გამოკრებითა გაიფუზისა და მის საწარმოთა ვაჭაროებისათვის.

25. სარეზერვო კაპიტალის დანიშნულებაა დაჭვაროს სახელგამის წლიური ბალანსით ნაჩვენები ზარალი. საწესდებო კაპიტალის ნახევრამდე მიღწევის შემდეგ სარეზერვო კაპიტალი შეიძლება გადაირიცხულ იქნეს სახელგამის საწესდებო კაპიტალში ამა დებულების მე-7 მუხლის „ე“ პუნქტის წესისამებრ.

VIII. სახელგამის ლიკვიდაცია.

26. სახელგამის ლიკვიდაცია შეიძლება მოხდეს მხოლოდ სრულიად საქართველოს საბჭოთა ცენტრალური აღმასრულებელი კომიტეტის დადგენილებით. ლიკვიდაციას მოახდენს განათლების სახალხო კომისიის მიერ დანიშნული სალიკვიდაციო კომისია.

გამოქვეყნებულია ვაზ. „კომუნისტი“-ს მე-10 №-ში 1928 წ. იანვრის 13.

9. დადგენილება ს. კ. ს.

ეეტონებისა, პაწია ბაირაღებისა, ბელადების სურათებისა, საქველმოქმედო მარკებისა და ბეჭდვითი ნაწარმოების გავრცელების წესის შესახებ.

საქართველოს სოც. საბჭ. რესპუბლიკის სახალხო კომისართა საბჭო ადგენს:

1. ეეტონებისა, პაწია ბაირაღებისა, ბელადების სურათებისა, საქველმოქმედო მარკებისა და ბეჭდვითი ნაწარმოების გავრცელება შეუძლიან მხოლოდ:

ა) სახელმწიფო დაწესებულებასა და სასოფელოებრივ ორგანიზაციას ზემოაღნიშნული საგნების გამოშვებაზე ლიტერატურისა და გამოკვლეობის მთავარ სამმართველოს ორგანოთა მიერ მიცემული ნებართვის რეგისტრაციის შემდეგ შინაგან საქმეთა სახალხო კომისარიატში ან სამაზრო აღმინისტრაციულ განყოფილებაში, ხოლო, სადაც იგი არ არსებობს, სამაზრო მილიციის სამმართველოში, კუთვნილებისამებრ;

ბ) კერძო პირს, თუნდაც იგი არ იყოს საამისოდ უფლებამოსილი კონტრაგენტი სახელმწიფო ორგანოებისა და საზოგადოებრივ ორგანიზაციებისა, — „ა“ პუნქტით გათვალისწინებულ ორგანოებისაგან აღნიშნული საგნების გასაფრცვლებლად ნებართვის მიღების შემდეგ.

2. გამომცემლობის მიერ თავისი რწმუნებულისათვის მიცემული მოწმობა ბეჭდვითი ნაწარმოებზე ხელის მოწერის მისაღებად და ამ ნაწარმოების გასაფრცვლებლად, აუცილებლად გატარებულ უნდა იქნეს რეგისტრაციაში:

ა) ცენტრალურ გამომცემლობის მოწმობა — შინაგან საქმეთა სახალხო კომისარიატში;

ბ) სხვა გამომცემლობის მოწმობა კი — სათანადო სამაზრო ადმინისტრაციულ განყოფილებაში, ხოლო, სადაც იგი არ არსებობს, სამაზრო მილიციის სამმართველოში.

3. ეტკონებისა, პაწია ბიორალებისა, ბელადების სურათებისა და საქველმოქმედო მარკების, აგრეთვე ბეჭდვითი ნაწარმოების გაფრცვლებას უნდა ჰქონდეს მხოლოდ ნებამოქმედებითი ხასიათი.

4. ინსტრუქციას ამ დადგენილების შესაფარდებლად გამოსცემს შინაგან საქმეთა სახალხო კომისარიატი, დაინტერესებულ უწყებებთან შეთანხმებით.

საქართველოს სოც. საბჭ. რესპუბლიკის სახალხო კომისარიათა
საბჭოს თავმჯდომარე ლ. ქართველიშვილი.

საქართველოს სოც. საბჭ. რესპუბლიკის სახალხო კომისარიათა
საბჭოს საქმეთა მმართველი პ. მეგრელიშვილი.

1928 წ. იანვრის 18.

ტფილისი — სასახლე.

10. დადგენილება ს. კ. ს.

საგადასახადო ინსპექტორების მიერ სამაზრო აღმასრულებელი კომიტეტებისათვის საგადასახადო უბნებში საქმის მდგომარეობის თაობაზე ანგარიშების წარდგენის წესების დამტკიცების შესახებ.

სსრკ ცენტრალური აღმასრულებელი კომიტეტისა და სახალხო კომისარიათა საბჭოს მიერ „საგადასახადო გარეგანი ზედამხედველობის დებულების დამტკიცების შესახებ“ 1926 წ. ოქტომბრის 1-ს თარიღით გამოცემული დადგენილების (სსრკ კან. კრ. 1926 წ. 67 №-ით) მე-12 მუხ. განსავითარებლად საქართველოს სსრ სახალხო კომისარიათა საბჭო აღგენს:

დამტკიცებულ იქნეს შემდეგი წესები — საგადასახადო ინსპექტორების მიერ სამაზრო აღმასრულებელი კომიტეტებისათვის საგადასახადო უბნებში საქმის მდგომარეობის თაობაზე ანგარიშების წარდგენის შესახებ.



წ ე ს ე ბ ი

სავადასახადო ინსპექტორების მიერ სამაზრო აღმასრულებელი კომიტეტებისათვის სავადასახადო უზნებში საქმის მდგომარეობის თაობაზე ანგარიშების წარდგენის შესახებ.

1. სახელმწიფო პირდაპირი გადასახადების განაკვეთების გამოანგარიშების მუშაობის დამთავრების შემდეგ, პირდაპირი გადასახადების ინსპექტორები მოვალენი არიან, ერთი თვის განმავლობაში, წარუდგინონ ხოლმე სამაზრო აღმასრულებელ კომიტეტებს ცნობები გადასახადებთან რიცხვისა და გაწერილი გადასახადების თანხის შესახებ მათ უზნებში.

შენიშვნა. დამატებითი დაბეგვრის ასეთივე ცნობები ინსპექტორებმა უნდა წარადგინონ ორი კვირის განმავლობაში დაბეგვრის დამთავრების შემდეგ.

2. ყველა ცვლილება, რაც-ც უმაღლესი ორგანოების დადგენილებით შეტანილ იქნება გადასახადის განაკვეთებში, ინსპექტორებმა უნდა აცნობონ აღმასრულებელ კომიტეტებს ნახევარ-ნახევარ წლობით არა უგვიანეს ნახევარწლის მომდევნო თვის 15 რიცხვისა.

3. გადასახადის შეტანისათვის დაწესებულ ვადების გასვლის შემდეგ ინსპექტორებმა ერთი თვის განმავლობაში უნდა წარუდგინონ სამაზრო აღმასრულებელ კომიტეტებს ცნობები შეტანილი, დარჩენილი და ნარჩენში გადარიცხული თანხების რაოდენობის შესახებ და აგრეთვე აღნიშნონ, თუ რა ღონისძიება იქნა მათ მიერ მიღებული ნარჩენის გადასახდევინებლად.

4. შემდეგი პერიოდების ნარჩენის მოძრაობის შესახებ ინსპექტორები წარუდგენენ სამაზრო აღმასრულებელ კომიტეტებს ამა წლების მე-3 მუხლში გათვალისწინებულ ცნობებს კვარტალობით, არა უგვიანეს კვარტალის მომდევნო თვის 15 რიცხვისა.

5. სავადასახადო წლის დამთავრების შემდეგ ინსპექტორები წარუდგენენ სამაზრო აღმასრულებელ კომიტეტებს მიმოხილვას თავიანთი უზნების მოქმედების შესახებ, თანაც აღნიშნავენ, რა ეკონომიურ მდგომარეობაში არიან ეს უზნები.

6. სამაზრო აღმასრულებელ კომიტეტს უფლება არა აქვს უშუალოდ ჩაერიოს სავადასახადო გარეგან ზედამხედველობის მუშაობაში. ყველა იმ ნაკლებობების, რაც შეინიშნულ იქნება პირდაპირი და არა პირდაპირი გადასახადების ინსპექტორის მუშაობაში, აღმასრულებელი კომიტეტი აცნობებს საქართველოს სსრ ფინანსთა სახალხო კომისარიატს სათანადო ღონისძიების მისაღებად.

საქართველოს სსრ სახალხო კომისარიათა
საბჭოს თავმჯდომარე **ლ. ქართველიშვილი.**
საქართველოს სსრ სახალხო კომისარიათა
საბჭოს საქმეთა მმართველი **პ. მეგრელიშვილი.**

1928 წ. იანვრის 19.
ტფილისი—სასახლე.

11. დ ა დ გ ე ნ ი ლ ე ბ ა ს. კ. ს.

დაწესებულებათა მიწერმოწერაში, როგორც ურთიერთ შორის, ისე უმაღლეს დაწესებულებებთან, ზომა-წონის აღნიშვნისათვის მეტრული სისტემის შეფარდების შესახებ.

საქართველოს სსრ სახალხო კომისართა საბჭო ადგენს:

1. წინადადება მიეცეს ყველა სახელმწიფო დაწესებულებასა და სავაჭრო-სამრეწველო ორგანიზაციას, აგრეთვე კოოპერატიულ ცენტრს ყოველგვარ მიწერ-მოწერაში, შეძლებისდაგვარად, ზომა-წონა აღნიშნონ მეტრული სისტემით; ხოლო უმაღლეს დაწესებულებისადმი მიმართვაში ზომა-წონა აუცილებლად მეტრული სისტემით აღნიშნონ.

2. დაევალოს საქართველოს სსრ უმაღლეს სახელმწიფო დაწესებულებათა (სრულიად საქართველოს ცენტრალური აღმასრულებელი კომიტეტი, სახალხო კომისართა საბჭო, ეკონომიური საბჭო და საგეგმო კომისია) საქმეთა მმართველობებს, აგრეთვე რესპუბლიკის ყველა სახალხო კომისარიატს განუხილველად დაისტოვონ მათ მიერ მიღებული ყველა ისეთი მიწერ-მოწერა, სადაც ზომა-წონა ნაჩვენებია იქნება ძველი სისტემით და ეს მიწერ-მოწერა დაუბრუნონ ხოლმე სათანადო დაწესებულებას აღნიშნული ზომა-წონის მეტრულ სისტემაზე გადასატანად.

საქართველოს სსრ სახალხო კომისართა
 საბჭოს თავმჯდომარე **ლ. ქართველიშვილი.**

საქართველოს სსრ სახალხო კომისართა
 საბჭოს საქმეთა მმართველის მოადგ. **ს. სტეფანოვი.**

1928 წ. იანვრის 31.
 ტფილისი — სასახლე.

12. დ ა დ გ ე ნ ი ლ ე ბ ა ს. კ. ს.

კოშუნალურ განყოფილებათა მიერ სავაჭრო ხადგომების საიჯარო ქირის გადახდის ვადის გადაცილებისათვის დასაწესებელი საურავის უკიდურესი რაოდენობის შესახებ.

საქართველოს სსრ სახალხო კომისართა საბჭო ადგენს:

1. დაწესებულ იქნეს შემდეგი უკიდურესი რაოდენობა საურავისა სავაჭრო ხადგომების საიჯარო ქირის გადახდის ვადის გადაცილებისათვის:

ა) სახელმწიფო და ადგილობრივ ბიუჯეტზე მყოფი დაწესებულებისა, პროფესიონალური ორგანიზაციისა და კულტურულ-განმანათლებელი დაწესებულებისათვის — 0,1% -ს რაოდენობით დღეში;



ბ) სამეურნეო ან კომერციულ ანგარიშზე მყოფი სახელმწიფო დაწესებულებებისა და საწარმოსათვის, აგრეთვე კოოპერატიული ორგანიზაციისა და შერეული საბჭოთა საზოგადოებისათვის—არა უმეტეს 0,25%-სა დღეში;
 გ) კერძო პირებისათვის (ფიზიკური და იურიდიული)—არა უმეტეს 0,8%-სა დღეში.

შენიშვნა. საურავის საერთო თანხა ყოველ შემთხვევაში არ უნდა აღემატებოდეს ნარჩენის რაოდენობის 100%-ს.

2. დიდგენილება ესე გაერცელდება საიჯარო ურთიერთობის ყველა შემთხვევაზე, იმისდამოკიდებით, თუ რა ფორმაშია იგი ჩამოყალიბებული, სხვათა შორის ისეთ ხელშეკრულებაზედაც, რომლითაც გათვალისწინებულია საურავის უფრო დიდი რაოდენობა.

საქართველოს სსრ სახალხო კომისართა საბჭოს
 თავმჯდომარე ლ. ქართველიშვილი.

საქართველოს სსრ სახალხო კომისართა
 საბჭოს საქმეთა მმართველის მოადგ. ს. ხტეფანოვი.

1928 წ. დანერის 31.

ტფილისის სახალხო



ქალაქი დამზადებულია

ენგურის (სვანეთის) სოკიდან

бумага изготовлена

из Ингурской (СВАНЕТСКОЙ) пихты.



ს. შ. უ. ს. პოლიგრაფტრესტის მე-3 სტაჰვა

შეკვეთა № 987.

მთავლიტი 400

ტირაჟი—1500.